

Na osnovu člana 257. tačka f) i 263. stav 3. Zakona o privrednim društvima ( „Službene novine Federacije BiH“, broj: 81/15), člana 8. Zakona o ministarskim, vladinim i drugim imenovanjima u Federaciji BiH ("Službene novine FBiH", broj: 34/03, 65/13), člana 136. i 137. Statuta Rudnika soli "TUZLA" d.d. Tuzla, broj: 02-01/16-2958 od 29.08.2016. godine i Stauta o izmjenama i dopunama Statuta Rudnika soli „TUZLA“ d.d. Tuzla, broj: 02-01/20-745, od 18.02.2020.godine, Nadzorni odbor u skladu sa Odlukom o raspisivanju oglasa za Javni konkurs za izbor i imenovanje Uprave Rudnika soli "TUZLA" d.d. Tuzla, broj: 01-03/23-3527 donesena na 1.redovnoj sjednici Nadzornog odbora od 29.08.2023.godine, ovim putem raspisuje:

**OGLAS**  
**ZA JAVNI KONKURS**  
**za izbor i imenovanje izvršnih direktora Rudnika soli "TUZLA" d.d. Tuzla**

**I**

**Oglašava se Javni konkurs za izbor i imenovanje Izvršnih direktora DIONIČKOG DRUŠTVA RUDNIK SOLI „TUZLA“ TUZLA, skraćeni naziv: Rudnik soli „TUZLA“ d.d. Tuzla (u daljem tekstu: Društvo), sa sjedištem u Ulici Tušanj, broj: 66, 75 000 TUZLA, i to za slijedeće pozicije:**

1. Izvršni Direktor za tehničke poslove
2. Izvršni Direktor za razvoj i istraživanja
3. Izvršni Direktor za pravne poslove
4. Izvršni Direktor za ekonomsko, finansijske i komercijalne poslove

Mandat izvršnih direktora traje četiri godine, bez ograničenja mogućnosti ponovnog imenovanja, a ovlaštenja, odgovornosti i prava izvršnih direktora uređuju se ugovorom koji s njima zaključuje Direktor na osnovu prethodne saglasnosti Nadzornog odbora i to u ime i za račun Društva.

Izvršni direktor imenuje se za period tekućeg mandata direktora, bez obzira na vrijeme njegovog imenovanja, a njegov mandat može prestati prije isteka perioda za koji je imenovan, razrješenjem, odnosno odlukom nadzornog odbora društva, podnošenjem ostavke ili sporazumno. Ovlaštenja, odgovornosti i prava izvršnog direktora uređuju se ugovorom koji, uz prethodnu saglasnost Nadzornog odbora, sa izvršnim direktorom zaključuje Direktor u ime i za račun društva.

Mjesto rada Izvršnih Direktora je mjesto sjedišta Društva upisano u sudski registar.

**KRATAK OPIS POSLOVA**

Izvršni direktor organizuje rad, zastupa i predstavlja društvo i odgovara za zakonitost poslovanja u poslovima i obimu utvrđenom Zakonom, Statutom Društva kao i pisanim aktom Direktora.

**II**

**Lice koji se kandiduje za Izvršnog Direktora Društva, mora ispunjavati slijedeće uslove:**

**A. OPĆI**

1. da je državljanin Bosne i Hercegovine i da ima prebivalište u BiH (dokaz: uvjerenje o državljanstvu i dokaz o prebivalištu u BiH),

2. da je stariji od 18 godina, ali ne stariji od 65 godina (dokaz: rodni list ili kopija lične karte),
3. da je zdravstveno sposoban za obavljanje poslova na koje se kandiduje (dokaz: uvjerenje o zdravstvenoj sposobnosti – dostavlja izabrani kandidat),
4. da nije otpušten iz državne službe, kao rezultat disciplinske mjere na bilo kojem nivou vlasti u BiH u periodu od 3 godine prije dana objavljivanja upražnjene pozicije (dokaz: uvjerenje nadležnog organa za kandidate koji su bili zaposleni ili su još uvijek zaposleni u organima državne uprave, a za kandidate koji ne rade niti su radili u organima državne službe - dokaz: izjava kandidata potpisana i ovjerena od strane nadležnog organa),
5. da nije osuđivan za krivično djelo ili prekršaj koji predstavlja smetnju za imenovanje na upražnjenu poziciju, u roku od 5 godina, računajući od dana izdržane, izvršene ili oproštene kazne (dokaz: uvjerenje nadležnog suda i izjava potpisana od strane kandidata i ovjerena od strane nadležnog organa),
6. da mu odlukom Suda nije zabranjeno obavljanje aktivnosti na koju se kandiduje (dokaz: izjava potpisana od strane kandidata i ovjerena od strane nadležnog organa),
7. da se na njega ne odnosi član IX.1. Ustava BiH (dokaz: izjava potpisana od strane kandidata i ovjerena od strane nadležnog organa),
8. da nije izabrani zvaničnik, nosilac izvršne funkcije ili savjetnik u smislu Zakona o sukobu interesa u institucijama vlasti u FBiH (dokaz: izjava potpisana od strane kandidata i ovjerena od strane nadležnog organa),
9. Da nije na funkciji u političkoj stranci, u smislu člana 5. Zakona o ministarskim, vladinim i drugim imenovanjima FBiH (dokaz: izjava potpisana od strane kandidata i ovjerena od strane nadležnog organa),
10. Da se ne radi o licu koje bi moglo biti u konkurentskom odnosu sa društvom u smislu odredaba Statuta Rudnika soli „TUZLA“ d.d. Tuzla, broj: 02-01/16-2958 od 29.08.2016. godine (dokaz: izjava potpisana od strane kandidata i ovjerena od strane nadležnog organa),
11. Da u društvu nije predsjednik ili član nadzornog odbora ili odbora za reviziju (dokaz: izjava potpisana od strane kandidata i ovjerena od strane nadležnog organa),
12. Da ne postoje druge zakonske smetnje za obavljanje poslova za koje kandidat konkuriše (dokaz: izjava potpisana od strane kandidata i ovjerena od strane nadležnog organa).

## **B. POSEBNI**

1. Izvršni direktor za tehničke poslove:
  - VII stepen stručne spreme, odnosno diploma visokog obrazovanja najmanje drugog ciklusa Bolonjskog sistema obrazovanja, rudarske struke.
  - najmanje pet (5) godina profesionalnog radnog iskustva, od čega najmanje tri (3) godine radnog iskustva na rukovodećoj poziciji i položen stručni ispit shodno odredbama Zakona o rudarstvu FBiH.
2. Izvšni direktor za pravne poslove:
  - a) VII stepen stručne spreme, odnosno diplomu visokog obrazovanja najmanje drugog ciklusa Bolonjskog sistema obrazovanja, pravne struke.
  - b) najmanje pet (5) godina profesionalnog radnog iskustva.
3. Izvršni direktor za ekonomsko -finansijske i komercijalne poslove:
  - a) VII stepen stručne spreme, odnosno diplomu visokog obrazovanja najmanje drugog ciklusa Bolonjskog sistema obrazovanja, ekonomske struke

b) najmanje pet (5) godina profesionalnog radnog iskustva

4. Izvršni direktor za razvoj i istraživanja:

a) VII stepen stručne spreme, odnosno diplomu visokog obrazovanja najmanje drugog ciklusa Bolonjskog sistema obrazovanja iz tehničke struke.

b) najmanje pet (5) godina profesionalnog radnog iskustva

### III

Uz prijavu na Konkurs potrebno je dostaviti slijedeću dokumentaciju (original ili ovjerene kopije):

- Biografija, adresa i kontakt telefon,
- Izvod iz matične knjige rođenih
- Uvjerenje o državljanstvu (ne starije od 3 (tri) mjeseca),
- Ovjerena izjava za uslove iz tačke II, potačka 4.,
- Uvjerenje nadležnog Suda i izjava za uslove iz tačke II podtačka 5. 6. (ne starije od 3 (tri) mjeseca),
- Izjava za uslove iz tačke II, podtačka 7. 8. 9. 10. 11. i 12.
- dokaz o završenoj školskoj spremi – diploma o visokoj stručnoj spremi, odnosno diploma visokog obrazovanja najmanje drugog ciklusa Bolonjskog sistema obrazovanja
- dokaz o ukupnom radnom iskustvu stečenom u struci,
- uvjerenje ili certifikat da je kandidat prošao odgovarajuće usavršavanja u skladu sa Zakonom o privrednim društvima i Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala, odnosno izjavu da preuzima obavezu da usavršavanje obavi u roku od 6 mjeseci a kako je utvrđeno Uredbom Vlade Federacije BiH (dokaz: dokument kojim se dokazuje da su prošli odgovarajuće usavršavanje ili izjava da preuzimaju obavezu usavršavanja, potpisana i ovjerena od strane nadležnog organa).

Uvjerenje o zdravstvenoj sposobnosti kandidat je dužan dostaviti nakon konačnog imenovanja na dužnost izvršnog direktora Rudnika soli "TUZLA" d.d. Tuzla.

Svaki kandidat za izvršnog direktora dužan je prije imenovanja dati pisanu izjavu prihvatanju kandidature, isključenju konkurencije, u smislu odredaba Statuta Rudnika soli „TUZLA“ d.d. Tuzla broj: 02-01/16-2958 od 29.08.2016. godine i o vrijedonosnim papirima društva koje posjeduje.

### IV

U izbornom postupku, Nadzorni odbor ocjenjuje stručnu sposobnost kandidata te utvrđuje listu kandidata predviđenih za imenovanje na mandat od 4 (četiri) godine.

### V

Sve informacije u toku postupka kandidovanja su transparentne, osim ako informacije podnosioca prijave nisu povjerljive u smislu Zakona o zaštiti ličnih podataka («Službeni glasnik BiH» broj:49/06, 76/11 i 89/11).

Kontakt osoba: Anel Dadanović, dipl.pravnik.

## **VI**

Rok za podnošenje prijava za pozicije za koje je konkurs raspisan je 15 dana od dana objave Javnog konkursa.

## **VII**

Prijave sa traženom dokumentacijom potrebno je dostaviti lično ili preporučenom poštom na adresu:

**Rudnik soli "TUZLA" d.d. Tuzla  
Ulica Tušanj, broj: 66, 75000 Tuzla**

**Na koverti naznačiti „Prijava na Oglas za javni konkurs za izbor i imenovanje izvršnih direktora“ – «ne otvarati»**

**Neblagovremene, nedopuštene, nepotpune i nerazumljive prijave, bit će odbačene zaključkom, protiv kojeg nije dopuštena posebna žalba.**

**Predsjednik Nadzornog odbora  
Emir Hadžimešić, dipl.pravnik**